



## **Universitätsbibliothek Paderborn**

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Indictio sessionis tertiae.

**urn:nbn:de:hbz:466:1-10502**

ab Episcopo aliquando mutari: ideo & Synodo dioecesana, & in Concilio provinciali, illud decreto cauimus, ut singulis annis, vel in ipsa Synodo dioecesana, vel ineunte Ianuario, casuum, quos sibi Episcopus eo anno reseruari expedire iudicauerit, reseruatio promulgetur, quod plenius casus eos reseruatos confessarii perpetuo norint. Quamobrem hos ordine infra descriptos, quos hoc anno nobis reseruamus, iam nunc promulgamus. Hanc verò casuum reseruatorum promulgationem, etiam post hunc annum tamdiu quoad altera proxima fiet, robur, vimque habere ex decreto dioecesano, ac provinciali statuimus. Ab ijs verbis casibus nemo cuiusvis ordinis confessarius, etiam praetextu cuiusvis priuilegii, quemquam sine facultate à nobis data absoluat.

Tum indicata est sessio tertia.

**H**is ita absolutis, Illustrissimus Archiepiscopus surgens certas preces recitauit, ac Synodo benedixit sine concessione Indulgentiarum.

Promotores absentium contumaciam iterum accusarunt, & de more pro rogatu omnium & singulorum in praesenti sessione actorum institerunt.

Et antequam haec sessio dimitteretur, R.D. Archidiaconus iusu Illustriss. Archiepiscopi de more indixit orationem metalem tribus capitibus partitam pro cleri disciplina excitanda, & diuino auxilio implorando. Capita sunt haec quæ sequuntur, & in qua meditatione clerus per semihoram & amplius perstitit.

Oratio mentalis.

Die secunda Dioecesanae xj.

**I.** Fratres carissimi: Obscremus Deum omnipotentem, ut Regi Catholico Philippo Duci nostro, prosperum felicemque rerum successum dignanter diuina benedictione concedat: ut cui multarum gentium gubernacula dedit, eidem cœlestia arma tribuat, quibus protectus, aduersariorum nefarios conatus constringat.

Pars III.

II. Fratres carissimi: toto cordis affectu orate pro filio Regis, ut diuinæ gratiae munere, regiis virtutum ornamenti omnium excultus, in dies percipiat incrementa, diuque in columnis sua regna iure augustissime tueatur in perpetuum.

III. Fratres carissimi: toto cordis affectu orate, ut haereticorum feritate compressa, Flandriæ status, diuino munere, pacis, & fidei catholicæ integritate semper exultet.

### Sessio Tertia.

**I**n nomine Domini, Anno, & mense, ut supra, die verò Sabbati 15. eiusdem mensis sessio tercia celebrata est. statim Canonicis horis in Metropolitana cantatis, hebdomadarius Can. Missarum solennia celebrauit. Misla peracta Illustrissimus Archiepiscopus pluviale & pretiosam Mitram induit, ac in sessionalem locum descendit: tumque ex libro Pontificali oratio de Spiritu sancto, Adsumus, recitata, ac Litanie more Ambrosiano decantata sunt ab uniuerso Clero. His peroratis Illustrissimus D. Archiepiscopus suggestum ascendit, vbi sermonem per horam habuit.

Sermone absoluto, & omnibus in sessione confidentibus, indicato prius silentio, Illustriss. Dom. hac verborum presentatione constitutionem Gregorii Papæ Decimi tertii, de Iudicibus delegatis, & conseruatoribus nuper editam de suggestione promulgari voluit.

### Decretum seu præfatio.

**V**IT Iudices in Synodo hac dioecesana deputati pro causis commissariis, & conseruatores Regularium, que de iis constituta sunt, & sedis Apostolicae auctoritate, & robore communia exequuntur, literas Pontificias Gregorii Papæ Decimi tertii in hoc dioecesano conuentu publicè legendas decernimus.

Dum autem constitutio prædicta ex suggestu promulgabatur, M.R.D. Archiepresbyter luminibus accensis capsula argenteam, in qua Sanctorum reliquiae affluerant, ex Sacristia ad Illustrissimum Archiepiscopum attulit, & super

M 3 men-